

Fanonganongo

‘Ahó 20 Mē 2014

Ki he: Kau Taki Mā‘olunga mo e kau taki ko ‘eni
‘i tu‘a mei he ‘Iunaiteti Siteití mo Kānata;
Kau Fitungofulu Faka‘ēlia; Fakasiteiki,
Fakamisiona mo e Fakavahefonuá; kau Pīsopé
mo e Palesiteni Fakakoló

Mei he: Potungāue Hisitōlia Fakafāmilí mo e Potungāue Pa‘anga Tokoni
Fakaako Tu‘uma‘ú

Kaveingá: Vahevahe ‘o e Fale ki he Senitā Hisitōlia Fakafāmilí mo e Ngaahi
Tokoni ‘a e Mo‘ui Fakafalala Pē Kiate Kitá ‘a e Siteikí

SIASI ‘O
SĪSŪ KALASI
‘O E KAU MĀONI‘ONI
‘I HE NGAahi ‘AHO
KIMUI NÍ

‘E vahevahe (share)‘a e Tafa‘aki ki he Pa‘anga Tokoni Fakaako Tu‘uma‘ú - Ngaahi Tokoni ‘a e Mo‘ui Fakafalala Pē Kiate Kitá, ‘a e me‘angāue mo e fale ‘o ha ngaahi senitā hisitōlia fakafāmili ‘e ni‘ihi, kae lava ‘o feau ai e fakautuutu ‘o e fie ma‘u ki he kāingalotú ke nau lava ‘o ma‘u ‘a e tekinolosia mo e ngaahi ma‘u‘anga tokoni ‘oku fekau‘aki mo e hisitōlia fakafāmilí mo e mo‘ui fakafalala pē kiate kitá fakatou‘osi. ‘I he‘enau fakafeleka‘aki ko ia ‘enau ngaahi taimi tēpilé, ‘e fakatou lava ai ‘e he ngaahi senitā ki he hisitōlia fakafāmilí mo e Pa‘anga Tokoni Fakaako Tu‘uma‘ú ‘o (1) tokoni‘i e kāingalotú mo e ni‘ihi kehé ke kumi honau fāmilí mo tokoni‘i e kāingalotú ke fakahū ‘enau ngaahi hingoa fakafāmilí ki he ngaahi ouau fakatemipalé mo (2) tokoni‘i e kāingalotú ke nau ma‘u ha ngaahi faingamālie ki he akó, ma‘u ha ngāue, pe fokotu‘u pē ha‘anau pisinisi ‘anautolu.

‘Oku totonu ke fakafeleka‘aki ‘e he kau palesitenisī fakasiteikí ‘a hono faka‘aonga‘i ‘o e ngaahi senitā ko ‘ení ‘o fakatatau ki he ngaahi fakahinohino ‘oku ‘oatu hení. Ke ma‘u ha fakamatala lahi ange, fetu‘utaki ki he pule faka‘ēlia ‘o e hisitōlia fakafāmilí pe mo‘ui fakafalala pē kiate kitá.

Ngaahi Fakahinohino ki hono Vahevahe ‘o e Nāunau ‘a e Senitā Hisitōlia Fakafāmilí mo e Ngaahi Tokoni ‘a e Mo‘ui Fakafalala Pē Kiate Kita ‘a e Siteikí

1 Mē 2014

SIASI ‘O
SĪSŪ KALAISSI
‘O E KAU MĀ’ONI’ONI
‘I HE NGAahi ‘AHO
KIMUI NÍ

‘Oku tānaki atu ‘a e ngaahi fakahinohino ko ‘ení ki he ngaahi tu‘utu‘uni kuo fokotu‘u kimu‘a ki he ngaahi senitā hisitōlia fakafāmilí.

1. **Taumu‘á:** ‘E ngāue fakataha ‘a e hisitōlia fakafāmilí mo e tafa‘aki ki he mo‘ui fakafalala pē kiate kitá ke fakakakato ‘ena ngaahi takitaha taumu‘a.
2. **Fatongiá:** Fakatatau ki he ngaahi tu‘utu‘uni ‘o e Potungāue Hisitōlia Fakafāmilí, ko e tefito‘i fatongia ‘o e talēkita ‘o e senitā hisitōlia fakafāmilí, ‘i he malumalu ‘o e fakahinohino ‘a e lakanga fakataula‘eikí, ko e tokanga‘i ‘a hono fakalele ‘o e senitaá mo hono ngaahi me‘angāué. ‘Oku totonu ke fengāue‘aki fakataha ‘a e talēkitá mo e mataotao ‘i he mo‘ui fakafalala pē kiate kita ‘a e siteikí, ke fakapapau‘i ‘oku feau foki mo e ngaahi fie ma‘u ‘a e tafa‘aki ki he mo‘ui fakafalala pē kiate kitá.
3. **Taimi-tēpilé:** ‘E ngāue fakataha ‘a e talēkita ‘o e senitā hisitōlia fakafāmilí pea mo e mataotao fakasiteiki ki he mo‘ui fakafalala pē kiate kitá ke fakapapau‘i e taimitēpile ‘a e senitaá, ‘o fakatatau mo e fakahinohino ‘a e kau taki lakanga fakataula‘eikí. Kapau ‘e fie ma‘u, ‘e lava ke fokotu‘u ha ngaahi houa ngāue mavahevahe ki he ongo tafa‘akí ni fakatou‘osi, pea taumu‘a ma‘u ai pē ‘aki ‘a hono tokoni‘i ke lava e kau pataloní ‘o a‘usia e ngaahi taumu‘a ‘a e hisitōlia fakafāmilí mo e mo‘ui fakafalala pē kiate kitá.
4. **Kau Ngāué:** ‘E fakapapau‘i ‘e he aleā‘anga ma‘olunga ne vahe ki he hisitōlia fakafāmilí mo e kōmiti mo‘ui fakafalala pē kiate kita ‘a e siteikí, ‘oku ma‘u ha kau ngāue fe‘unga ke fakakakato ‘a e fie ma‘u ‘a e ongo tafa‘aki ko ‘ení ‘i he senitaá. ‘E fengāue‘aki fakataha ‘a e talēkita ‘o e senitā hisitōlia fakafāmilí mo e mataotao fakasiteiki ‘a e mo‘ui fakafalala pē kiate kitá ke fakataimi-tēpile‘i e kau ngāué mo e ako ke faí. ‘E ‘i ai ha taimi ‘e fie ma‘u ke fevahevahe‘aki ai e kau ngāué mo ako‘i ke nau lava ‘o feau fakatou‘osi e ongo fatongia ‘o e senitaá.
5. **Vahevahe ‘o e Falé mo e Me‘angāué:** ‘E ‘ikai ke fetongi ‘a e ngaahi ‘ekitivitī ‘o e hisitōlia fakafāmilí ‘e he mo‘ui fakafalala pē kiate kitá ka te na vahevahe ‘a e falé, nāunau falé, mo e me‘angāué. Kapau ‘e fie ma‘u, ‘oku totonu ke fai ha kole ki ha fale fo‘ou pe me‘angāue ‘o faka‘aonga‘i ‘a e ngaahi founiga ngāue kuo fokotu‘u ki he senitā hisitōlia fakafāmilí. ‘E faka‘aonga‘i ‘e he senitaá ‘a e ngaahi komipiuta kuo ‘osi fakangofuá mo e nāunau kehe kuo ‘omi ‘e he Potungāue Hisitōlia Fakafāmilí, kae tokoni ki ai e kulupu tokanga‘i ‘o e falelotú mo e mataotao fakatekinolosia ‘a e siteikí. ‘E faka‘aonga‘i foki ‘e he ngaahi senitaá e polokalama komipiuta mo e ngaahi ma‘u‘anga tokoni kehe kuo fakangofua ‘e he ongo Potungāue Hisitōlia Fakafāmilí mo e Pa‘anga Tokoni Fakaako Tu‘uma‘ú. ‘Oku totonu ke muimui ‘a hono faka‘aonga‘i ‘o e komipiutá mo e ‘initanetí ‘i he ngaahi senitaá ni, ki he ngaahi tu‘utu‘uni ‘i he *Tohi Tu‘utu‘uni Fika 1: Kau Palesiteni Fakasiteikí mo e Kau Pīsopé* (2010), 17.1.12 mo e *Tohi Tu‘utu‘uni Fika 2: Ko hono Pule‘i ‘o e Siasí* (2010), 21.1.22. ‘E fakatou vahevahe tatau pē ‘a e hisitōlia fakafāmilí mo e tafa‘aki tokoni ki he mo‘ui fakafalala pē kiate kitá, ‘a e fatongia ko hono tokanga‘i ‘o e falé mo e me‘angāue ‘o e senitaá.

6. **Me'a Makehe (Sipinga 'o e Senitā Mo'ui Fakafalala Pē Kiate Kitá):** 'E vahevahe ha ngaahi senitā hisitōlia fakafāmilí 'e ni'ihi mo ha "senitā sipinga 'o e mo'ui fakafalala pē kiate kitá" 'a ia 'e ava 'i ha houa 'e 40 pe lahi ange he uike takitaha. 'E malava ke fie ma'u 'e he ngaahi senitā ko 'ení ha ngaahi nāunau, kau ngāue, mo e me'a ngāue lahi ange ki he ngaahi taumu'a 'o e mo'ui fakafalala pē kiate kitá. Ko e me'angāue pehē 'e toe tānaki atú, 'e 'omi ia 'e he Potungāue Pa'anga Tokoni Tu'uma'ú kae tauhi mo tokanga'i ia 'e he Potungāue ICS 'i he ngaahi 'ōfisi faka'ēliá. 'E fie ma'u 'e he senitā ko 'ení ha fengāue'aki lahi ange pea 'e fie ma'u mo ha ngaahi liliu ki he ngaahi fatongiá mo e founiga fakalele 'o e ngāuē.